



Broj: 11-37-14263-16/18
Datum.05.12.2018. godine

Na osnovu člana 68. stav (1), člana 69. stav (2) tačka d), člana 70. stav (4) i člana 72. stav (3) tačka a) i b) Zakona o javnim nabavkama («Službeni glasnik BiH», broj: 39/14), Zapisnika o pregledu dokaza dostavljenih od strane ponuđača u skladu sa članom 45. i 46. Zakona o javnim nabavkama, broj: 11-37-14263-14/18 od 03.12.2018. godine i Zapisnika po uloženoj žalbi od strane JU Institut za zdravlje i sigurnost hrane Zenica od 30.11.2018. godine, broj: 11-37-14263-15/18 od 04.12.2018. godine, u postupku javne nabavke „Ustupanje usluga operativne jesenje faze obavezne preventivne sistematske deratizacije na području Zeničko-dobojskog kantona za 2018. godinu“, ministar Ministarstva zdravstva Zeničko-dobojskog kantona, d o n o s i:

ODLUKU

o poništenju postupka javne nabavke „Ustupanje usluga operativne jesenje faze obavezne preventivne sistematske deratizacije na području Zeničko-dobojskog kantona za 2018. godinu“

I

Poništava se postupak javne nabavke konkurentski zahtjev za dostavu ponuda za nabavku usluga „Ustupanje usluga operativne jesenje faze obavezne preventivne sistematske deratizacije na području Zeničko-dobojskog kantona za 2018. godinu“ za potrebe Ministarstva zdravstva Zeničko-dobojskog kantona, evidencijski broj nabavke: 11-37-14263/18 od 19.09.2018.godine, broj Obavještenja o nabavci sa Portala javnih nabavki 20180-7-2-2-3-2/18 od 08.10.2018. godine.

II

Odluka o izboru najpovoljnijeg ponuđača, broj: 11-37-14263-11/18 od 20.11.2018. godine se stavlja van snage.

III

Odluka stupa na snagu danom donošenja i objavit će se na web stranici <http://www.zdk.ba/>, u skladu sa članom 70. stav (6) Zakona o javnim nabavkama, istovremeno sa upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 11-37-14263/18 od 19.09.2018.godine.

Javna nabavka je provedena po konkurentskom postupku sa predviđenom e-aukcijom putem Portala za javne nabavke BiH, u skladu sa članom 25. Zakona o javnim nabavkama. Procijenjena vrijednost nabavke je 41.500,00 KM bez PDV-a.

Ugovorni organ je objavio obavještenje na Portalu javnih nabavki broj: 20180-7-2-2-3-2/18 dana 08.10.2018. godine.



Komisija za provođenje postupka javne nabavke, koja je imenovana Rješenjem broj: 14-14-3-14263-1/18 od 26.09.2018.godine, blagovremeno izvršila je javno otvaranje ponuda, te Zapisnikom o otvaranju ponuda, broj: 11-37-14263-7/18 od 24.10.2018. godine, konstatovala da su u predviđenom roku dostavljene dvije ponude ponuđača: „Sanacija 3D“ d.o.o. Sarajevo i „Sanitarac“ d.o.o. Vlasenica - zajednička ponuda i ponuda JU Institut za zdravlje i sigurnost hrane Zenica.

Komisija je izvršila pregled i ocjenu ponuda i Zapisnikom o pregledu i ocjeni ponuda, broj: 11-37-14263-9/18 od 07.11.2018. godine, nakon ocjene validnosti blagovremeno dostavljenih ponuda, konstatovala da ponuda ponuđača Institut za zdravlje i sigurnost hrane Zenica nije prihvatljiva i odbacuje se u skladu sa članom 68. stav (4) tačka i) Zakona o javnim nabavkama.

Komisija je konstatovala da je jedina prihvatljiva ponuda ponuđača „Sanacija 3D“ d.o.o. Sarajevo i „Sanitarac“ d.o.o. Vlasenica - zajednička ponuda, odnosno dostavljeni su svi traženi dokazi propisani Tenderskom dokumentacijom, te dala preporuku ugovornom organu za donošenje odluke o izboru Konzorcija ponuđača „Sanacija 3D“ d.o.o. Sarajevo i „Sanitarac“ d.o.o. Vlasenica, kao najpovoljnijeg ponuđača za predmetnu nabavku.

Ministarstvo zdravstva Zeničko-dobojskog kantona, kao ugovorni organ, donijelo je Odluku o izboru najpovoljnijeg ponuđača, broj: 11-37-14263-11/18 od 20.11.2018. godine, koja je dostavljena svim ponuđačima aktom broj: 11-37-14263-12/18 od 20.11.2018. godine i objavljena na web-stranici <http://www.zdk.ba/>. Oba ponuđača su Odluku zaprimila dana 22.11.2018. godine.

Ponuđač JU Institut za zdravlje i sigurnost hrane Zenica, na svoj zahtjev broj: 02-2908/18 od 27.11.2018. godine, izvršio je uvid u zajedničku ponudu ponuđača „Sanacija 3D“ d.o.o. Sarajevo i „Sanitarac“ d.o.o. Vlasenica.

Izabrani ponuđač Konzorcij „Sanacija 3D“ d.o.o. Sarajevo i „Sanitarac“ d.o.o. Vlasenica, u propisanom roku od 5 dana, dostavio je dokaze u iz člana 45. i 46. Zakona o javnim nabavkama, odnosno dokaze tražene tačkom 3.1. 3.3. i 3.5. Tenderske dokumentacije.

Komisija za provedbu postupka javne nabavke, Zapisnikom o pregledu dokaza dostavljenih od strane ponuđača u skladu sa članom 45. i 46. Zakona o javnim nabavkama, broj: 11-37-14263-14/18 od 03.12.2018. godine, konstatovala je da izabrani ponuđač Konzorcij Sanacija 3D“ d.o.o. Sarajevo i „Sanitarac“ d.o.o. Vlasenica nije dostavio traženu dokumentaciju kako je to traženo Tenderskom dokumentacijom i to:

- Prema zahtjevima utvrđenim **tačkom 3.1. Tenderske dokumentacije** ponuđača „Sanacija 3D“ d.o.o. Sarajevo **nije dostavio** izvod ili uvjerenje **Suda Bosne i Hercegovine** kojim se dokazuje da u krivičnom postupku nije izrečena pravosnažna presuda kojom je osuđen za krivična djela organizovanog kriminala, za korupciju, prevaru ili pranje novca (dostavljena je ovjerena kopija Uvjerenja Općinskog suda u Sarajevu, broj: 065-0 Kr 011325 18 od 13.08.2018. godine). I drugi ponuđač „Sanitarac“ d.o.o. Vlasenica je dostavio ovjerenu kopiju Uvjerenja osnovnog suda u Vlasenici, broj: 092-0-0K-18-000-063 od 22.11.2018. godine, odnosno **nije dostavio uvjerenje Suda Bosne i Hercegovine, a kako je jasno traženo tačkom 3.1. i 3.5. Tenderske dokumentacije.**
- Također, ponuđač „Sanitarac“ d.o.o. Vlasenica je dostavio ovjerenu kopiju Uvjerenja Poreske uprave, Područni centar Zvornik, broj: 06/1.06/0704-455.21-79293/18 od 18.9.2018. godine o izmirenim poreznim obavezama, **zaključno do dana 18.9.2018. godine, čime nije dokazao da je i u momentu predaje ponude ispunjavao navedeni uslov** (datum predaje ponude je 24.10.2018), što je traženo tačkom 3.1. i 3.5. Tenderske dokumentacije.
- Ponuđač „Sanacija 3D“ d.o.o. Sarajevo **nije dostavio original ili ovjerenu kopiju aktuelnog izvoda iz sudskog registra ili izjavu/potvrdu nadležnog organa** iz koje se vidi da je ponuđač registrovan za obavljanje djelatnosti deratizacije, dezinfekcije i dezinfekcije i **original ili ovjerenu kopiju Rješenja o ispunjenosti uvjeta za obavljanje djelatnosti preventivne dezinfekcije, dezinfekcije i deratizacije, izdato od nadležnog organa iz Bosne i Hercegovine, što je traženo tačkom 3.3. i 3.5. Tenderske dokumentacije.**

U Zajedničkoj ponudi broj: 208-10/18 od 22.10.2018. godine, ponuđača „Sanacija 3D“ d.o.o. Sarajevo i „Sanitarac“ d.o.o. Vlasenica dostavljen je kao dokaz iz tačke 3.3. tenderske dokumentacije za ponuđača „Sanacija 3D“ d.o.o. Sarajevo samo kopija ovjerene kopije aktuelnog izvoda iz sudskog registra, broj: 065-0-RegZ-18-007106 izdata od Općinskog suda u Sarajevu i obična kopija Rješenja Federalnog ministarstva zdravstva, o obavljanju djelatnosti preventivne sistematske deratizacije, broj: 03-37-5487-3/17 od 25.09.2017. godine.

Tenderskom dokumentacijom je bilo propisano da se u ponudi mogu dostaviti obične kopije, a ukoliko ponuđač bude izabran, u roku od 5 dana dužan je dostaviti original ili ovjerenu kopiju traženih dokaza.

JU Institut za zdravlje i sigurnost hrane Zenica je uložila žalbu Ministarstvu zdravstva Zeničko-dobojskog kantona na Odluku o izboru najpovoljnijeg ponuđača, broj: 11-37-14263-11/18 od 20.11.2018. godine.

Komisija za provedbu postupka javne nabavke je Zapisnikom broj: 11-37-14263/15 od 04.12.2018. godine po uloženoj žalbi od strane JU Intitut za zdravlje i sigurnost hrane Zenica od 30.11.2018. godine, konstatovala je da su Zapisnikom o pregledu dokaza dostavljenih od strane ponuđača u skladu sa članom 45. i 46. Zakona o javnim nabavkama, broj: 11-37-14263-14/18 od 03.12.2018. godine, djelimično usvojeni navodi iz žalbe i već dato mišljenje ugovornom organu da se postupak javne nabavke poništi u skladu sa skladu sa članom 69. stav (2) tačka (d) i članom 72. stav (3) tačka (a) i (b).

Pouka o pravnom lijeku

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostavljeno: 1x Ponuđači
1x a/a



MINISTAR

Dr Dragoljub Brenjo